



14132

III

Mag. St. Dr.

P


all.

Domekti francisi: Fructus honoris et honestatis
opere virtutum, meritorum ac laborum M. Michael
lis Ogiński - ex lauro theologica descriptio

PANEG. ET VITAE

Polon. Pol.

N^o 170.



FRUCTUS

HONORIS & HONESTATIS*

OPE

* Eccli. 24.
v. 23.

Virtutum, Meritorum ac Laborum

Perillustris Clariſſimi & Admodum Reverendi Domini,

D. M. MICHAELIS
CZYRNICKI,

Sacrae Theologiae LICENTIATI, Collegae Majoris, Ecclesiarum; Collegiatæ
S. FLORIANI Clepardie ad Cracoviam CUSTODIS, Parochialium, Opa-
tovicensis PRÆPOSITI, in Pobiedz CURATI, Contubernii Starnigeliani

PROVISORIS

LAUREA THEOLOGICA^{ex}

DECERPTUS;

Qui dum
in Ecclesia Collegiata DIVÆ ANNÆ

Perillustri & Reverendissimo Domino

D. M. ADALBERTO
GRZYMALA

Sacrae Theologiae DOCTORE & PROFESSORE, ejusdemq; Facultatis
DECANO, Collegii Majoris ac Universitatis Seniore PATRE, Ecclesiarum;
Cathedralis Crac. CANONICO, Collegiatæ SS. OO. PRÆPOSITO,
Contubernii Hierolymitani PROVISORE,
S. THEOLOGIAE DOCTOR

Ritu solenni
crearetur ac renuntiaretur;

per

M. FRANCISCUM
TOMECKI

Philosophiae DOCTOREM & PROFESSOREM, COLLEGAM Minorem
Vocatum, Contubernii Starnigeliani SENIOREM, Sacrae Regiae Majestatis
SECRETARIUM.

DEMONSTRATUS.

Anno

SCIV_T DOMINO PLACVI_T*

Die 25. Mensis Januarii.

* Job. 1.
v. 21.

CRACOVIA Typ: Semin: Episc: Academ: Diœcesani.



Non Tu jacentes vile perambulas,
Terras premendo, sed vigor aliger,
Per ætheris campos citatum
Evehit & super alta sistit.
Poli haud paventem, tu sapientiæ
Sublimioris candidus intimum
Cubile vestigas Tonantis,
Et taciti penetrale Cæli.

P. Jo. Mæsculus l. 1. Ode 27.

Seu cæcis penetralibus
Naturæ referas abdita, lucidæ
Consultus sapientiæ,
Sive inconspicuum mentibus aspicis,
Et caligine splendida,
Celari cupidum Numinis abditi,
Æternum jubar, & piô
Vestigas oculis tecta silentio.

P. Gilb. Jonninus. l. 1. Lyr. Ode 2.

Hæc ego, supremum cui fas attingere Numen,
Quæ scrutor Divina sagax hinc inclyta laudem,
Augustumque DEI duco de Nomine nomen,

P. Ant. Chanut: in Parna, Poët.



DEDICATORIA DE VOTO
PRÆLVCV TIO.


JNnumeros annos, quin sœcula cuncta coronat
Gloria, quæ meritis est tribuenda Tuis.
Ergo suscipias hæc paucula verba clientis,
Hæc etenim Nomen narrat opella Tuum.
Perpetuos isthic parvus liber ibit in annos,
Nominis unde Tui fama perennis erit.
Non mihi divitiae culti sermonis habentur,
Hæc tamen augustas pagina præstat opes.
Divitias animi loquitur Tua gloria Mundo,
Et pretium magni DOCTOR honoris habes.
Est opus, ut pateant annis exempla futuris,
Sunt exempla, Tuæ sunt probitatis opes.
Extat doctrinæ FRUCTUS pretiosior auro,
Non lateat splendor Nominis iste Tui.
Dum latet, haud colitur, si detur gemma Coronæ,
Plus multò pretii plusque decoris habet.
Nam virtutis bonos altis se laudibüs ornat,
Et magis augustus, si celebretur, erit.
Magna Tuis dignè meritis nunc præmia dantur,
Et data concinnant præmia laudis opus.
Laurea Sacra Tuam præcingit Laurea frontem,
Laurea sed laudis nomen & omen habet.
Gloria magna Tuis se totam plausibus offert,
Sed memores fastos gloria magna tenet.
Eximia DOCTOR semper virtute coruscas,
Hanc quoq; perpetuus concomitatur honor.
Qualibüs ipse nites hæc talia dogmata pandis,
Moribüs egregiis erudiendo, nites.

*Hæc verò docti merces condigna laboris,
Ut capiat laudes perpetuumq; decus.
Hanc habet alta sui sortem Sapientia FRUCTUS,
Ut mereat laudi sœcula cuncta suæ.
Et cur non liceat justas Tibi scribere laudes?
Quomodo nunc calamus corq; tacere potest?
Materiam calamus rutilo splendore coruscum,
Gaudia cor sortis non pereuntis habet.
Nulla Tuas unquam dotes oblivio tanget,
Quas canimus, cur non gaudia semper erunt?
Postulo materiam calamo laudare volenti,
Hic omnis Virtus, hic patet omne decus.
Hic pietatis amor, pariter prudentia regnat,
Hic labor & studium sedulitate nitet.
Iustitiae venerandus bonus & pectoris ardor,
Et bonitas sedes hic posuere suas.
Robur in adversis cœpti constantia facti,
Et quidquid valeat more placere viget.
O quanta probitate nites, & munera sortis,
Quæ mentem ditat, nonne beata tenes?
Quæ dotes hominem produnt virtute decorum,
Hic sunt, hic resident, forte filere decet?
Gratulor, haud fileo magno PROVISOR honori,
Quem Capiti Superum dona dedere Tuo.
Quem meritis retines suminisq; laboribus ornas,
Quem Tibi virtutis coniulit ipse decor.
Accipias dignam DOCTOR cum sole Coronam,
Pro viridi lauro lumina magna feras.
Vive dies multos tanto decoratus honore,
Semper fama Tuum nomen in Orbe canat.
Vive sed incolumis Cæli solamine plenus,
Hæc Tibi corde cliens testificante precor.*

PA-



PANEGYRICUS.



Ihil unquam in vita jucundius,
nihil beatius, nihil glorioius
hoc prosperrimo eventu de-
siderare poteram, quod sacram
Theologici Honoris Laurea,
quam exantlato comparasti la-
bore permiseris me Tibi gra-
tulari Perillustris Clarissime &

Admodum Reverende Domine NEODOCTOR. Duo
enim hic dulcissimæ exultationis genera facile mihi
obveniunt, tum quia Tuo applaudere honori maxi-
mus honor & gloria est, tum quia grati obligationem
animi, immortale studium, tenerrimos affectus,
celerrimam ad obsequia Tua promptitudinem ac
invictum amorem per hanc Tibi paginam coram
toto contestor Orbe. Profectò enim gratum præ-
stare animum accipientis beneficia obligatio est,
atq; in referenda gratia (a) debemus imitari fer-
tiles agros, qui plus multò afferunt, quam acceperunt,
nam si in eos, (b) quos speramus nobis profuturos
non dubitamus officia conferre, quales debemus in eos
esse? qui jam profuerunt. O me ingratum nec no-
minari dignum! si tacuero, quantum mihi profue-

B

ris,

(a) Cic: 1. Offic. (b) Idem 2. Offic.

ris? audiat Orbis, legant sæcula, admiretur posteritas, præstitam mihi beneficentiam Tuam, ecce Tui affabilitas vultus incredibilis; candor oris admirabilis, benignitas cordis ineffabilis, quid aliud sunt; nisi magnarum indicia gratiarum. Hinc igitur in Te PROVISORE Dignissimo, Protectorem faventissimum immo etiam Patrem gratiosissimum agnoscō; qui me toties consiliō juvisti, favore erexisti, respectu stabilivisti, gratiis protexisti, quoties mihi Iublevatricem dexteram etiam non audenti rogare porreexisti: ergo tacerem beneficia? omnes immemorē (c) beneficiū oderūt, & nihil est (d) tam inhumanū, tam immane, tam ferum, quā committere, ut beneficiis propter oblivionem eorum indigni videamur. Quantam idcirco sentio voluptatem animi, quantæ sunt mihi cordis deliciæ, quantis superabundo gaudiis, quia saltim minimū hoc gratulationis meæ obsequium pro immensis retribuo beneficiis. Verùm quid agam verborum inops? quo consiliō rem intentam perficiam. *immensa beneficia* (e) *immensis laudibus celebranda sunt*: at nullos quæram sermonis ornatus, nullum ab arte & ingenio prætendam suffragium, Tuas potius *Perilluſtris Domine NEODOCTOR* virtutes, Tuas dotes, prærogativas, merita, labores, in unum breve convocabo compendium, atq; hæc sacra supplex laus immensa erit, qualem Tua ad celebritatem suam præstata mihi merentur beneficia. Non solius equidem humanitatis regulas rigidè observas, nec solam in exhibendis favoribus beneficentiam colis, verùm omnes altissimæ honestatis decoris communi quodam sociasti vinculo, ut totam sublimium amplitudinem virtutum felicissima & sancta hæreditate possideres. Domonstrâsti glorioſissimō

(c) Secrat. (d) Cic: pro Planc: (e) S. Gregor.

nissimō exemplō, quod olim quidam verbīs innuerat, quia *non est virtute* (f) *ulla possessio pretiosior*, & quia *virtus* (g) *maximum rerum humana-
rum bonum ipsa pectori inserit fructum immortalem aurō
potiorem*. Omnia nugas & ineptias rectē crederas, solius virtutis pulchritudinem & sapientiæ
splendorem dilexeras. noveras enim perbellè. quod
sapiēntia (h) *est via recta, quae ad virtutem ducit*,
veniunt autem (i) *omnia bona pariter cum illa, &*
innumerabilis honestas per manus illius. Atq; ideo vi-
cisti famam virtutibūs Tuīs, quia singulas illasq;
perfectissimas in Tuum induxisti animum, pleni-
tudinem sapientiæ Tuæ nexum quendam omnium
sanctarum perfectionum fecisti, unde quantus ma-
gnitudine virtutum, tantus etiam amplitudine ex-
titisti. Existimas nempe laudabili procerto opi-
nione, quod si aliquam ex virtutibus minùs acri-
ter cures, honor Tuæ sapientiæ cadat, nec Tibi
labor erat hæc magna Divinitatis dona in tota sua
plenitudine & eminentia comparâsse, qui non ex-
trinsecus quæreris, sed intra Te ipsum habes, unde be-
nefacias, & quid obstat, quod minùs res ipsa bonam
sequatur voluntatem. Nimirum sortitus es ani-
mam bonam indole præclara ac sublimi dota tam,
& quid mirum est, quod tanta felicitate virtutem,
cum virtute eruditionem, cum eruditione sapien-
tiā, cum sapientia gloriam multorum utilitati
conjunctam conquisiveris? Habet jam omnia, quæ
ad commendationem magni ac probatissimi Viri
exigi solent, virtutem, sapientiam, merita & ho-
norem. Præconia forsitan adhuc Tuīs digna labo-
ribūs requiris? quis Te laudabit? en qui Te lau-
dat, virtutem omnino laudat, idem enim est Te

B2

dice-

(f) Stobæ: cap. 1. (g) Idem cap. 8. (h) S. August.

(i) Sap. 7.

dicere, quod virtutis celebrare laudes, ceterum
mavis laudanda agere, quam laudari. Cuncta pro-
fessò habes, quæ in vita desiderari possunt, nam
omnia ei adsunt bona, (k) quem penes est virtus, pa-
tere quoq; ut quibus fulges decoribus, & quæ præ-
sens cum delicio intuetur ætas, illa etiam reveren-
tiali conscripta calamô immortalitati pateant, sic
Tibi erunt FRUCTUS HONORIS & HONESTA-
TIS de Sacra Laurea Theologica decerptus.

LAUDES, gloria & honor pulchra quidem sunt, sed
parum aestimationis habent, & brevi tempore
desinere solent, si Literarum testimoniò non nitan-
tur. Honor equidem præmium virtutis est, quæ
cum sit Divinæ particula auræ, perpetuam immor-
talitatem meretur, & nonne sua quoq; merces im-
mortalis esse debeat? immo vero omnino expe-
dit, ut honoris commendatio ab immortalitate pen-
deat, nam sic exercitia virtutum posteritati tra-
dentur imitanda. Quid vero? quomodo magna vi-
rorum merita venturis ad notitiam porridentur
sæculis, nisi testimonia scriptorum præstò adfue-
rint, quæ merita, virtutes & eruditos labores post-
humæ ætati recommendent? Enimvero Literæ po-
steritatis causâ repertæ sunt, (l) quæ oblivioni subsi-
dio esse possent, nam exempla omnia (m) jacerent
in tenebris, nisi Literarum lumen accederet, proinde o-
pus erat magna ac laudatissima opera Tua Peril-
lustris Domine NEODOCTOR literis mandari, ut
debita sibi immortalitate gaudeant, atq; subsecu-
turi instructioni deserviant ævi. HABES enim jam
omnes honestatis decores, habes magnæ dignita-
tis insignia sacram nempe Lauream Theologici
honoris, quis horum fructus? perpetua nimirum
immor-

(k) Plaut. (l) Cic. pro Syl. (m) Idem pro Archia Poeta.

immortalitas, quæ Tuis maximis ac innumeris meritis ipsius naturæ lege debetur. At quomodo hæc gloriosissima Tuarum documenta virtutum futuris patenter sæculis, nisi saltim exiguae mandata paginae in lucem prodirent publicam, & immorituræ memoriae ad utilitatem perpetuam traderentur? Promeruisti etenim, quod quidam rectè ac prudenter dixerat, quia *magnorum nomina virorum* (n) per orbem terrarum celebrata scriptis extingvi nulla vetustate possunt, hæc Tibi sanè debetur portio laudis, quem maximarum excellentia virtutum, ac eruditorum prærogativa laborum in hunc tantæ dignitatis gradum evexit, & quid ergo Tibi ad celebritatem nominis desit? solus nempe honoris & honestatis FRUCTUS, qui est æterna Tuorum memoria meritorum.

Primùm igitur teneræ ætatis Tuæ primordia in exemplum venturæ posteritati propono, quæ quanta, quæmve laudanda fuerint, vix dici aut scribi potest, ille animus Tuus omnium bonorum exercitorum capax, jam tunc luculenter monstrabat, quantum bonitate præstabas, quantum valebas ingenio, quantum industriâ excellebas. Indoles illa benignitate naturæ in Te eminuit, per cuius præclaros ad virtutem impetus statim proditum erat, quod cum anima summam promptitudinem ad celeberrima gesta accepisti. Hinc indolem Tuam quis non amaret? quis debitum non efferret laudibus? dilexit illam magnus olim magnorum ingeniorum Arbitrè *Illusterrimus & Magnificus Dominus ANDREAS de Zydowo ZYDOWSKI VEXILLIFER, JUDEX Castrensis Cracoviensis*, qui Te Adolescentem tenerimo prosecutus affectu ad eximos formabat mores, & excellentissimâ prudentiâ ac

C

omni-

(n) *Manut. lib. 1. Epis. 3.*

Tenera
tas Perillu-
stris Domini
quæ culta,

Honesta e-
ducatio Per
illustris Do-
mini in Au-
la Illustri-
simi Andreæ
Zydowski
Vexilliferi
& Judicis
Crac.

omnium decore virtutum imbuebat. Quid enim
Vir ille nobilitate generis conspicuus, celebritate
famæ præclarus, antiquitate Prosapiaz commenda-
bilis, dignitatum splendore ornatus, ac sublimis sa-
pientiæ & maturæ prudetiæ donis decorus, quid ille
magis diligeret, quam Tuū illud beatum ingenium &
magnopere proclivē ad omne bonū animū? ut enim
ipse erat sæculorum gloria, populorum amor, eru-
ditionis decor, ac omnigenæ virtutis cultor; sic Te
suæ illius sanctæ verum imitatorem industriæ dili-
gebat. Crescebas in ejus Aula, quam potius Scho-
lam probitatis dixerim; crescebas ætate, eruditio-
ne & virtutibüs, quidquid enim ille dixerat, illud
oraculum sapientiæ celebrabatur ab omnibus, quid-
quid fecerat, exemplū felicissimæ perfectionis erat,
quidquid svaferat, semper probavit eventus, quid-
quid scripserat, saluberrimū fuit legentibus dogma
ac delicium. Quid verò ex tanti perfectione Viri
non perdisceres? ecce enim magnæ indicia virtutis
à magnis exercitæ Viris (o) bonæ indoli ad magnos ac
laudabiles ausus incitamenta sunt, suscepisti magnō a-
nimō magnorum experimenta gestorum, & quam
virtutum amplitudinem in magnis viris observa-
veras, eam Tibi omnino sequendam proposueras.
Mox avida erudit laboris indoles Tua & nescia
umbras ignorantia pati ad Artium Te Liberalium
provocavit studia, dictabat Tibi sagax ingenium
Tuum, quia multū oportet illum laborare (p) qui
gloriosam laudem consecutus est, innatus ille vigor
semper ad laudabilem institutionem vitæ animum
Tuum incitabat. Favit proinde tam laudabili in-
tentioni Tuæ prælibatus JUDEX Crac: atq; ex
motivo celeberrimæ prudentiæ suæ ac tenerrimi
erga Te amoris studia Tibi in Alma Universitate
nostra

(o) Hesiod. apud Stob. (p) Theoder. apud eundem.

nostra peragenda persvasit & præclarissimis Magistris erudiendum Te comendavit. Ardorem sciendi quis in Te mirari desineret? quantum enim capacitatis amplitudo sese extendebat, tantum accerrimæ alacritatis dilatabantur spatia, plus moderatione Magistrorum quam stimulis egebas, quia virtutis amore eruditionem sectabar. *Labor bonæ famæ* (q) pater est, Tu tamen illi gloriose labori novam addidisti gloriam, quem tam solidè adamâsti, tam strenuè exercuisti, tam sollicitè custodivisti, tam sincerè coluisti, tam sanctè virtutibus ornâsti, ut omnes, qui in Te suos convertebant oculos, non dubitarent dicere, quod virtus (r) per labores incedit, quia etiam scientias ignorare malles, si strictum cum virtute consortium non haberent. Propria virtus Tibi in erudito labore dux erat & solarium, immo verò labor ipse Tuus pura virtus erat, quia simul virtutem & eruditionem servido augebas conatu & in quærendis scientiis rationem sanctimoniaz proponebas. Inter præcepta bonarum Artiū Regulas sanctè vivendi investigabas, atq; sic illa promptitudo memoriaz incredibilis, perspicacia mentis admirabilis, celeritas ingenii matura, capacitas animi beata ex intensione virtutum ortæ Te omni difficultate superiorem, omni abstrusione altiorem, omni subtilitate acutiorem reddiderūt. Processisti igitur post adolescentiaz años Vir magnus omnes singularissimas scientiarum divitias cum virtutum opibus conjunctas plenissimè lucratus & complexus. Apparuisti in luce Academico lux non exigua, sinceritate Latini idiomatis ut nemo melius instructus, ligati sermonis totam integritatem planè edocetus, gravitatem verò ac venustatem eloquentiaz consecutus illam, quam

Q2

haud

(q) Iphigen. apud eundem. (r.) Hesiod. apud eundem.

haud aliquando vetusta etiam sæcula habuerunt.
In Philosophico autem Cursu quām maturam celeritatem ingenii, quām gravem subtilitatem perspicaciæ monstraveras, intellexerunt illi & omnibus judiciō suō perspectum fecere sæculis æquè prudentissimi ac sapientissimi Viri maximis semper concelebrandi laudibūs ac immortalī memoriā digni, qui Te Laureis Philosophicis ornaverunt. Jammo verò quod apertius est dotum Tuarum ac scientiarum testimonium? quām ille integerrimus amor quem Tibi Perillustris olim & Reverendissimus Dominus M. MARTINUS WALESZYNISKI, Sacrae Theologie Doctor & Professor, Collegii Majoris Senior Pater ac multoties Vigilantissimus RECTOR & plures per annos PROCANCELLARIUS, Cathedralis Crac. CANONICUS &c. &c. exhibuerat? Vir magnus ingenio, matus judicio, felix consiliō, auctoritate summus, gravitate morum augustus, activitate celeberrimus, omnibus acceptus & amabilis. Magnus Reip: Literariæ stator, (s) Orbis Academicī lumen & columen, Togatæ Gentis decus & præsidium, cuius merita miracula sunt Mundi, ejus sapientia omnem sublimitatem transcendent, ejus labores tam in Ecclesia Dei, quām in Orbe Academicō incredibiles, ejus vita pura, omnium virtutum integritas ac totus illibata conscientiæ tenor, ejus æstimatio apud magnos Proceres ineffabilis. Tantus igitur Pater, tantæ acceptioonis Doctor admirabili Te dignabatur respectu, diligebat Tuos celeres ingenii motus in condiscendis Literis, laudabat vigilem diligentiam, admirabatur eximum in studiis profectum, respiciebat sanctam comitatem morum & omnes egregias dotes Tuas maximopere æstimabat. Quam obrem Tua sex annorum studia in minoribus Scholis

(s) Panegyris in obitum ejus.

Singulares
favores Re-
verendissimi
olim Wale-
szynski erga
Perillustum
Dominum.

lis sua protectione ornabat, ad primam in Philosophia Lauream recipiendam ille Te solidō animavit consiliō, ille promovit, nihil illi erat jucundius, quām Tua consuetudine frui, Tuos eruditos labores condignis remunerare præmiis, Tua merita ad altiores in Universitate honores promovere. Quid verò? magnis Viris (t) magna honestas in delicio est, & simile simili gaudet, hinc amori WALESYNII erga Te non dubitavit suos tenerimos sociare affectus. Perillustris olim & Reverendissimus Dominus HYACINTHUS ŁOPACKI, sacræ Theologiæ & Medicinæ Doctor, Ecclesiarum; Cathedralis Crac. CANONICUS, Collegiatæ Sandomiriensis DECANUS, B. V. M. in Circulo Crac. ARCHIPRESBYTER INFULATUS, qui Te in summa per sex viginti annos estimatione habuit, summis gratiis & favoribus honoravit, summa semper dilectione ut diuidium animæ suæ coluit, summō studiō prosequebatur; unde ex dictamine tanti erga Te amoris ad sacros Te promovit Ordines & Beneficium Tibi pro titulo ordinationis in magna Gieraltowice procuravit. Et verò quid iste magnus Sacerdos, Craciæ Urbis decus, Ecclesiasticæ ornamentum Hierarchiæ, vivum sanctitatis exemplar, scientiarum compendium, quid iste magis suo complesteretur affectu? quām illam Tuam constantiam in bono, elegantiam in omni aetione, veritatem & rectitudinem in sermone, continuam & altam exercitationem in virtutibus? hæc enim celeberrima talenta, ut ipse invictō semper colebat animo, sic in aliis maximè honorabat. Amabat eruditos Viros ipse solidæ eruditionis dives, illam in tota plenitudine comparavit sapientiam, quæ intime virtuti adhæsit, nam quod est tantum inge-

nii

D

(t) Stob. cap. 3.

Insignis æst
matio Peril-
lustris Domi
ni apud Re-
verendissi-
mum olim
Łopackis

ni flumē? quæ tanta verborum copia? quod tan-
tum dicendi genus? quo hujus Viri omnibus de-
siderandi sœculis, pietas in reparandis ac ornandis
Templis, devotio in elevatione mentis ad DEUM,
solicitude circa animarum salutem, liberalitas in-
juvandis egenis exprimatur. Quis proinde à tan-
to æstimaretur & amaretur Viro, nisi bonus? ita
est; bonitas vitæ eximia tantos Tibi conciliat affe-
ctus, nam si etiam illos æstimatores Tuos taceam,
qui nobis memorabilem in morte sua reliquerunt
dolorem, Cœlis autem intulerunt gaudium, habes
præterea dignissimos virtutum Tuarum Arbitros,
qui & nobis adhuc in terris & Divis Cœlitibus de-
licium sunt. Adeſt, adeſt *Illuſtrissimus Excellentissimus*
& *Reverendissimus Dominus, D. MICHAEL de Granow*
WODZICKI, DEI & Apostolicæ Sedis Gratia EPISCO-
PUS Præmyſliensis, Supremus Regni CANCELLARI-
US, maxima sœculorum admiratio, Romanæ Urbis
delicium, Lethicæ Gentis amor & præſidium; qui
summis in Patriam & Ecclesiam DEI immo admi-
rands meritis omnem immortalitatem ad stuporem
traxit, innumeris publicis functionibüs laudabi-
liſſimè peractis perpetuam Regno Poloniae compa-
rat famam, immensis laboribüs & maximis virtu-
tibüs suis omnem gloriam superavit. Adeſt inquam
hic ANTISTES ſacerrimus, SENATOR sapien-
tissimus, MINISTER Regni prudentissimus, PATER
Patriæ æstimatissimus, & quanto Te prosequatur
affetu, præſtitis Tibi summis favoribüs manife-
*ſtat. Adeſt etiam *Illuſtrissimus & Reverendissimus Do-**
minus FRANCISCUS de Potkana POTKANSKI, DEI
& Apostolicæ Sedis Gratia EPISCOPUS Patarenſis,
SUFFRAGANEUS, CANONICUS, VICARIUS in
Spiritualibus & OFFICIALIS Generalis Cracovien-
sis, qui tantū Tua æstimat talenta, quantū quisq; pru-
den-

Magni favo-
res Illuſtris:
& Reveren:
Potkanski
Episcopi Pa-
tarenſis, Suf-
fraganei
Crac: Peril-
luitri Domi-
no exhibiti.

dentissimus & sapientissimus solet. Nam quomodo
hic magnus PRÆSUL omni elogio ac dicendi ge-
nere sublimior de bonis Viris non recte sentiat?
qui omnium sanctissimarum virtutum & altissimæ
sapientiæ vivam in se ipso exhibit normam, quem
ut celeberrima Illustriſſimi Generis exornat nobil-
itas, sic immensa merita & ineffabiles animi dotes
omnium sacerdorum laudibus recomendant. Nec
potest præteriri silentiō Illustriſſimus & Magnificus
Dominus IOANNES in Zakrze & Nowosielec NOWO-
SIELSKI CASTELLANUS Ciechanoviensis, CAPITA-
NEUS Caſtreñis Lukoviensis, Vir de Patria Meritissi-
mus, quē ob amplitudinem æquè ac magnitudinem
laudabiliū gestorum omne sacerdū præſenti invide-
bit. Quæ enim ætas tantum non posceret Virum?
quem totus Polonus Orbis magnum consiliō, subli-
mem ingenii, maturum prudentiā, profundum ju-
diciō, animō in adversis vinci, in prosperis effer-
ri insolitō generosum agnoscit, qui pietatem in DE-
UM, in Reges fidem, in Patriam amorem, in omnes
benevolentiam integerrimè servat. Hic est ille pru-
dentissimus Senator & æquissimus Judex, quem
certè non sola quamvis antiquitate celeberrima,
dignitate sublimis, tot maximarum Cognitionum
nexu augusta Illustriſſimi Sangvinis prærogativa,
sed simul vita integritas, cordis magnanimitas,
facundissimi oris felicitas, justitiae amor, legum ob-
servatio, & aliarum omnium virtutum summa ce-
lebritas promovit ad honores. At ecce Vir tantæ
auctoritatis, tantis meritis ac honoribüs ornatus,
tam præclara nominis altitudine augustus, quos Ti-
bi non exhibit respectus? parùm illi videtur sua
tam præcellentí fulgere gloriā, nisi etiam in præ-
standis Tibi magnis gratiis ac favoribus excellat.
Hos tanti Viri erga Te affectus auget quoq; Illu-

Ineffabiles
affectus Illu-
ſtrissimi No-
wosielſki, Ca-
ſtelani Cie-
chanoviensis
& Illustriſſi-
mæ Confor-
tis Ejus erga
Perillustrem,
Dominum,

*Strissima & Magnifica Consors Filius ANNA de Zydow-
scius NOWOSIELSKA, quā proprietate ita recommen-
dant dotes, ut nullo Oratoriū pennae opus habeat
præconiō; laudant eam opera ejus, fortitudo & de-
cor indumentum ejus (u) procul & de ultimis finibus
premium ejus. Mulier fortis sublimibus ingenii emi-
nentior, aureo eloquio pretiosior, omni oratoria
superlatione altior: porro virtus illius se ipsam
miratur, quod tantum possit in tam delicato sub-
jecto, nam tantam gravitatem morum, tam fir-
mam constantiam, tam solidam prudentiam, tam
augustam quia innatam Stirpi suæ generositatem
exhibet; ut sexum suum excedere videatur. Do-
mina hæc tantis tamq; eximiis ornata qualita-
tibus cum ab annis triginta usque ad nunc tam
sancta in Te omnium virtutum spectaret exercitia
ac summæ in bono constantia tenorem, præter a-
lios innumeros præstitos Tibi favores & præter
alia pietatis suæ specimina tum Tuis circa bonum
Ecclesiasticum cursis, tum sua devotione permo-
ta non parvam fundi, sive agri partem Ecclesiarum in
POBIEDR condonavit.*

Ecce quid Virtus Tua non valeat? quæ non
solum Tibi, verum etiam Divinis Sanctuariis ma-
gnos conciliat respectus, quam ut planius poste-
ritati exponam, singillatim partes & species illius
quantum vires animi sinunt, enarrabo. Prima mihi
occurrit per celebris prudentia Tua, quæ pro-
eerto veluti lucerna (w) animi optima est vita Tua
ratio, nam ex Tuis actionibus recte intelligi po-
test, prudentia est (x) appetendarum & vitandarum
rerum scientia, ita enim decorem honestatis appe-
tis, ut totam illius plenissimè complectaris sum-
mam, ita minimum quoq; evitas desectum, ut ni-

hil

(u) *Prov. 31. v. 25.* (w) *Goudin.* (x) *S. August.*

Prudentia
Per illustris
Domini per-
quam lauda-
bilis.

hil in Te & inimicus oculus ad arguendum reperi-
at; at hæc est sana & recta scientia agendorum. Si
verò vigilans prudentia (y) surgit ab usu multipli-
ci, quis tuam maturitatem summis concelebran-
dam laudibūs cum optima rerum experientia con-
junctam esse non intelligat? habes enim præterito-
rum eventuum tenacem & vastam memoriam,
futurorum respectum continuum, contingentium
discretionem perspicacissimam, insperatorum
cautionem sagacissimam, unde hoc? usus nimirum
optimus Magister Te multa docuit, ratio plura.
Quibūs laudibūs Tua ad omnes partes circumspe-
ctio extolli potest? quo dicendi genere Tua in
ordinandis mediis ad consequendum boni operis
finem providentia celebrabitur? quo eloquio Tu-
um maturum consilium omni ex parte perfectis-
simum exprimetur? qua ingenii & oris potentia
Tuum in rebus discernendis judicium enarrabi-
tur? cùm Tuæ prudentiæ dotes non solùm omnes
eloquentiæ conatus, verùm etiam omnem admirationem
hominum superaverint. Jam verò si ma-
xima perfectio prudentis est (z) docilem se exhibere
Majoribus, quorum consilia sunt veluti demonstraciones
in agibilibus ex Te magno DOCTORE hujus per-
fectionis norma & exemplar habetur, qui non tan-
tum Superiorum sed etiam Confratrum Tuorum
sana acceptas consilia, & iis, quæ bono communi
utilia sunt, facillimè acquiescis. Veritatem hanc mon-
strabunt etiam pii Cineres Perillustris olim & Reveren-
dissimi Domini M. CASIMIRI JARMUNDOWICZ
U. f. Doctoris & Professoris, Ecclesiarū; Cathedralis Crac.
Electi CANONICI, Collegiate SS. OO. CUSTODIS, Pa-
rochialis in Luborzyca CURATI, Contuberniū Ju-
risperitorum, Starnigeliani tū Alumnatus Rosczeviani

E

PRO-

(y) Mantuan. (z) Jovellus in Eth. b. t.

Mutuus
amor & si-
cera amici-
tia Perillu-
stris Domi-
ni cum Re-
verendissi-
mo olim Jar-
mundowicz

PROVISORIS, Librorū per Diæcesim Cracoviensē Synodalis CENSORIS, Viri egregiè cordati, quām de Regno Literario, tam de Ecclesia Dei longè mèritissimi, boni communis Academicī zelō ardentissimi, magnis Principibus ac Proceribus ob incomparabilem juris notitiam acceptissimi, in omni virtute ac in omni sapientia consummati, in eruditis laboribus continui & acerrimi, hunc etenim cùm tenerimè velut Confratrem amares, & prudentissimum scires, consiliis illius assentiebaris cum delicio & mutuò illum in tuenda communi integritate adjuvabas. Nostī enim perfectè, quòd amicitiam cum bonis colere Viris ad prudentiam pertineat, non solum ideo, quia cum sancto sanctus eris (a) & cum Viro innocentē innocens eris, verūm etiam quia non postrema pars justitiae (b) est amicitia, jam verò sine justitia (c) nihil valebit prudentia, quam in Te omnibūs absolutam numeris intuemur. Immo verò hujus virtutis donum magnopere Tuam recommeñat Lauream, equidem in corde prudentis (d) requiescit sapientia, quæ præmia DOCTORI meretur, quin etiam hæc tanta maturitas judicii Tui Te ipsum felicem ac beatum reddit, quia nihil homini prudenti dulcius (e) aut sagaci ac bona mente melius est, quod ipsū in Te evidenter spectatur, nam ex quo omnia ordinatè agis, omnia rectè disponis, solertiam ad omnes actiones adhibes, mentem Tuam accurata deliberatione obfirmas, inde statum animi semper tranquillum habes & pacatum. Tranquillus est animus Tuus dilectæ amator pacis, sed post prudentiæ splendorē etiam luce justitiæ coruscat, nam justitia quoq; (f) multam affert homini tranquillitatem, justitiae laus.

*Intaminata
Justitia Per-
illustris Do-
mini. I*

(a) *Psal. 17. v. 26.* (b) *Macrobi. in Eth. b. t.* (c) *Cic. 2.
Offic.* (d) *Prov. 14. v. 23.* (e) *Cic. 1. Tuscul.* (f) *Diog. apud
Stob.*

taus & gloria (g) est mentis fiducia & animi bonus statutus. Nec verò illam solum sectaris justitiam, quæ majori reverentiam, (h) pari concordiam, minori disciplinam, DEO obedientiam, sibi sanctimoniam, inimico patientiam, egeno operosam misericordiam reddit. verum etiam illam & serio colis, quæ negligit propriam utilitatem (i) ut servet communem æquitatem. Hanc enim maximam justitiam ad commune ordinatum bonum quam sancte exerces & quam strenue pro illa decertas, jam datis Tuæ dexteritatis exemplis satis monstraveras, & qui ad defensionem illicitus requiratur zelus, quæ exigatur contantia ac strenuitas? jam pridem edocueras. Edocueras nempe ex Cathedra plurimos aurea explicatione Ethe-
cūs ac Theologus, bene gnarus: quod qui docti fu-
erint, (k) fulgebunt sicut splendor firmamenti, & qui erudiunt multos ad justitiam, fulgebunt sicut stellæ in per-
petuas æternitates. Satisne! satis certè ad commen-
dationem magnis etiam Viris sed non Tibi, latius
profectò patuit Tuus justitiae amor, innumera pe-
ne subsellia in admirationem traxit, immo ipsi eti-
am innotuit Romæ, dum causas de Decimis Uni-
versitatem concernentibus mirabili activitate ac
diligentiâ per tres prudentissimè promoveres an-
nos, donec cordatiissimus Vindex Victor extiteris
donec Universitati proventum & integritatem ju-
stitiae restitueris. Quas autem in tanto negotio
pro integritate boni communis Academici solici-
tudines & incommoda non sustuleris? sed obser-
vasti omnino illam sanctionem legis- bonum publi-
cum (l) privatorum commodis anteponitur- immo
etiam legibüs humanis non vocatis in memoriam
nihil aliud procertò ageres, nisi quod æquius, san-

E2

etius,

(g) Menand. apud eund. (h) S. Anselm. lib. our Deus. (i)
S. Ambros. lib. de Offic. (k) Daniel. 12. v. 3. (l) S. Sancimus
in aud. de Restit.

Causas de
Decimis U
niversitatis
Perillustris
Dominus
trium anno-
rum negotiis
in variis sub
felliis etiam
Romæ pro-
movit & evi-
dit.

ctius, laudabilius & perfectius est, nam qui justus
est, (m) mores proprios habet tanquam leges. At ve-
rò justum sanè dicas, (n) qui sincerò & candidò ingenib. est,
protulit quidam: quis has in Te non cernit doles
mirabiliter resplendere, ac propterea quis Te ju-
stum immo justissimum non dicet! qui certissimè
illa æquitate polles, quæ sincerè promovet ad præ-
mia dignos, laborantibus ac emeritis candidè fa-
vet. Cæterùm tamen ita faves uni, ut nihil alte-
ri damnosí inferas, conformas Tuam rectæ legi-
mentem dicenti: non tam uni favendum est, (o) ut
alteri fiat injuria, & probas, quia procertò justi mo-
res Viri (p) injuriam facere nesciunt, iustitia enim (q)
omnium est domina & regina virtutum, iustitiae inest
(r) splendor virtutis maximus, ex qua boni Viri no-
minantur. Lætare ergo ô magne æquitatis Cultor,
lætare! fundamentum perpetuæ commendationis & fa-
mæ (s) est iustitia, Viri justi fructus (t) non perit,
in memoria æterna erit justus, (u) ab auditione mala
non timebit. Jam ergo innui Tuum iustitiae amo-
rem, atq; zelum illius acerrimum in ipsa eviden-
tia monstravi, unde omnino expedit, etiam Te
fortem dicere & magnanimum, nam fortes & ma-
gnanimi habendi sunt (w) non qui faciunt, sed qui pre-
pulsant injuriam, quia fortitudo est Virtus (x) pro
æquitate pugnans, & pro legibus. Non illam qui-
dem induisti fortitudinem, quæ in hostes ruit, ar-
mîs terret, sanguine campos cruentat, sed quia
Vir sapiens (y) fortis est, cum sapientia Tibi for-
titudo advenit, melior quoq; est sapientia, (z) quam
arma

Admirabilis
fortitudo
Perillustris
Domini
NEO-DO-
CTORIS.

(m) Menand. apud. Stob. (n) Philonid. apud eund. (o) l.
impuberi de admitt. tut. (p) Menand. in Georg. (q) Cic. 3.
Offic. (r) Idem 1. Offic. (s) Cic. 1. Offic. (t) Stob. c. 9. (u)
Psal. 111. v. 7. (w) Cic. 1. Offic. (x) Idem ibid. (y) Prov. 24. v.
5. (z) Eccl. 9. v. 18.

arma bellica, unde meliorem cum illa portionem
fortitudinis acceperas, nam fortis est, (a) non qui
hostes superat, sed qui superior voluptatibus existit;
jam vero eruditus homo munditiā gaudet (b) hone-
statis pulchritudine delectatur. Porro non mediocris a-
nimi fortitudo est, (c) quae sola defendit virtutum orna-
menta omnium & justitiam custodit, atq; hanc pro-
priam Tibi quis non asserat? cui innatum est omnia
honesta constanter agere, omnia molesta & ardua
viriliter sustinere. Tuam vero circa insignes ac
difficiles sumptus magnificentiam, Tuam circa ho-
norem Literario Orbi ingentibus partum labori-
bus magnanimitatem, Tuam in DEO circa quodvis
arduum consequendum bonum fiduciam integri-
tati vita conjugantem, Tuam in omni virtute con-
stantiam, Tuam in rebus aduersis patientiam ne-
mo unquam condignis laudibus poterit celebrare:
Delegavit Te nuper Universitas ad Generalia Re-
gni Comitia GRODNAM, & ecce nec asperitas via-
rum, nec discrimina silvarum, nec inclemensia
Cæli, nec mors magni olim Georgii KOSTOWSKI
in simili ab Universitate delegati negotio oppetita
GRODNÆ Tuum fortem animum terruerunt. Ni-
mirum: qui circa res præclaras & splendidas versantur,
(d) magnos capiunt & audace's animos, & quæ nam
res Tua occupatio erant, nisi illæ pulcherrimæ
scientia & virtus? unde erectum & præcelsum
GRODNAM attulisti animum nulli timiditati sub-
ditum. Complacuisti proinde numerosissimo illi
Principum Regni & Magnatum cætui, & æquè glo-
riosissimè ac sapientissimè Universitatis negotium
promovisti. Est & aliud fortitudinis Tuæ indi-
cium, cuius narrationem silentio potius præte-
rire deberem, nisi Tuæ æquanimitati crederem &

Ad Comitia
Regni Gro-
dnam Dele-
gatus imper-
territio animo
iter suscepit
& prudentis-
simè negotiū
Universitatis
promovit.

F.

cor-

(a) Democl. de fort. (b) S. Ambros. (c) idem i. Offic. (d)
Demosth. de Ordinat. Civit.

Ingentem
dolorem su-
per fatis tri-
um Fratrum
suorum for-
titudine ani-
mi facile su-
peravit.

cordis magnitudini. Habes, habes in memoria glorioſiſſimos olim Fratres Tuos CZYRNICIOS nempe JOANNEM Philosophiæ Doctorem, Opatovecensem Curatum! BARTHOLOMÆUM Canonicum Regularem Lateranensem in Kurozwęki Præpositum germanos, & THOMAM Philosophiæ Doctorem, Præpositum S. ALBERTI ad Posnaniam ac Synodalem Examinatorem Patruelem, Viros omni exceptione majores, omni eloquio eminentiores, omni gloriæ sublimitate altiores. Superarunt meritis famam, virtutib[us] vastitatem laudum excelluerunt, sanctitatem non solum integerim coluerunt ipsi, verū etiā quām plurimos ad illam erudierunt, fulserunt in oculis hominum sicut stellæ, & per sanctos labores ac bona opera magnæ lucis exempla monstraverunt. Et ecce mors dira ut Tuam in adversis probaret constantiam, hæc tam pulchra lumina terris, hos consummatæ sapientiæ & probitatis Viros tenerrimo amori Tuo surripuit, verū Te semper magnanimum, strenuum, fortem, constantem, nescium adversitate vinci repererat; maluisti dilectis Fratribus sanctam Tuam pietatem offerre, quām dolorem. Auream verò mediocritatem Tuam quisquis laudib[us] extollere vellet, totum impendat eloquentiæ conatum. Virtus enim hæc tantum in Te eminet, ut quamvis in moderatione consistat, omnem tamen verborum excedat amplitudinem. Semper etenim consummatus in omni doctrina THEOLOGUS præ oculis habes, quia DE US omnia (e) in pondere, numero & mensura constituit, ac propterea ut servitutem simulacrorum (f) avaritiam abhorres, & sicut nimiam parcitatem odisti, sic prodigi ac disoluti hominis morem gerere caves, Tuæ institutum

vitæ

(e) Sap. 11. v. 22. (f) Coloss. 3. v. 35.

vitæ optimum est dogma temperantia. **E**nimve-
ro mediocritas ad omnem usum & cultum referenda
est, (g) in omnibus rebus mediocritas est optima, hanc
proinde intemeratè colis, hanc rigidè servas, hanc
amas non ignarus, quia medium tenuere beati, in
Te normam & regulam habemus, quod bis in re-
bus, (h) que in vita tractantur, modum quendam &
ordinem conservare debemus. Facillimè quidem ho-
spites & amicos recipis, verùm Te illis simul par-
cūm, simul humanum exhibes, parcum nempe ad
luxum, ad hilaritatis autem exercitia optimè hu-
manum, ne in rerum temperato usu mensuram
excedere contingat, liberalitati frugalitatem mi-
sces. Sobria semper actionum Tuarum ratio lu-
culenter demonstrat, quia penū virtutis (i) est tem-
perantia, inuicta constantia Tua & inseparabilis à
summo bono animus satis clare docet, quia robur
animæ (k) est temperantia, omnino enim eorum
vestigia ignoras, qui nescierunt præ vino (l) er-
raverunt præ ebrietate. Quid verò? unde prover-
nit tam insignis actionum Tuarum elegantia & sum-
ma animi tranquillitas turbidæ commotionis ignara,
ecce enim benignitatem per se gratam comitate
adjuvas, clementiam per se amabilem, mansuetu-
dine exornas, maturitatem & gratiam verborum
perse commendabilem assabilitate vultūs condeco-
ras, naturalem gestuum decorem per se augustum
moderatione mirabili jucundiorem reddis, bene-
volentiam per se laudabilem facilitate locupletas,
unde inquam hæc svavissima vitæ institutio? ô pro-
fectò temperantia est (m) moderatrix omnium com-
motionum, temperantia est (n) firma & moderata domi-
natio super non rectos impetus. At verò temperata

F2

vita

(g) Cic. 1. Offic. (h) Idem 2. Offic. (i) Menand. in Georg.

(k) Pythag. apud Stob. (l) Isaïæ 28. v. 7. (m) Cic. de
finib. n. 5. (n) idem in Rhet.

Pietas Per-
illustris Do-
mini una
cum profu-
sa liberali-
tate illius.

vita ipsa est bonis operibus maximè apta, ita est, temperantia pietatis Tuæ magnum decus est & subsidium, qui, ut mentem ad Divina extollas terrenas delicias aspernaris. Pietatem verò non omnibus piis communem Viris sed singulari titulo dignam exerces, quamvis etenim commune Tibi cum Ascetis sit inextinguibilis amoris Divini flamas sovere, mentem ad DEUM continuò elevare, orationibus instare, sancto devotionis igne ardere, incruenta Altaris sacrificia æterno Patri quotidie offerre, DEUM pro populo placare, pro animarum salute solicitari, tamen præter hæc pietatis exercitia habes aliquid singulare. Nimirum sanctæ pietati Tuæ largam liberalitatem junxisti, non illam solùm, quæ hominum indigentias succurrit, verùm etiam illam excellentissimam, quæ intimè Divino honori sociatur. Tantos enim in reparationem & ornamenta Templorum profudisti sumptus, tantas impendisti curas, quantas vix crederet aut intelligeret orbis, nisi Tuam videat pietatem. Quatuor enim Sanctuaria DEI incredibili exornasti cultu, & quandam mirabilem vetustati eorum novitatem donasti, sic in magna Gierałtowice apparamenta Altaris resarsisti alia, alia procurasti, Ecclesiam in Gay insigni reparatione condecorasti campanamq; illi majorem comparasti. Quid verò dicam de Ecclesia in Pobiedz? en illam à fundamentis ferme restaurasti, sacrarium illi de novo affundâsti, apparamenta, calices, monitratorium, organum, ac tres maiores campanas providisti, insuper Plebanalem domum cum prædio erexisti, habitacula non modico sumptu pro Vicario, Organario & Campanatore exstruxisti, decimas & fundos ad eam pertinentes jure vindicasti. In Opatowiec Ecclesia nonne Tuas miratur impensas? haec etiam

Quatuor Ec-
clesias nota-
bilissimè re-
paravit & e-
xornavit.
Ecclesia in
Gierałtowic-
ce & altera
in Gay.

Ecclesia in Po-
biedz.

Ecclesia in
Opatowiec.

etiam perquam ornate reparasti, domos pro his omnibus, pro quibus etiam in Pobiedr fundasti & alia permulta ædifica commoditati Parochi multos servitura per annos erexit. O pietatem & liberalitatem Regiam ac Regia imitatione dignam! satis habent cæteri sacrorum Ministri, satis laudum, gloriæ & commendationis habent, quod in Domino DEI diligenter laborent, Tibi parum erat, quod in Ecclesia exemplariter & strenue laboraveris, quod Conciones sacerrimis plenas dogmatibus & svavissima oris Tui gravitate ornatas centum tredecem per varias in ipsa Cracia Urbe & Suburbiis ejus Exedras cum summo populi fructu dixeris, nisi etiam pro Ecclesia algeres & sudares.

Taceo plura de virtutibus Tuis, qui nec minima dixi, ad eruditos labores Tuos humilem converto calatum, at unde exordiar? à minoribus Oratores inchoare solent, sed nihil est in Tuis laboribus minus, omnia magna, omnia laudabilia & augusta. Quid enim? nonne summa vigilantiæ & sedulitatis Tuæ magnitudo patuit? dum decem per annos in Schola Sacratissimi Corporis Christi munus Vigilantissimi Senioris gerebas, ac pro interim speculativis ingenium Tuum mirabiliter excolebas scientiis, donec ad supremam perfectiōnem sapientiæ pervenires. Cùm verò scires Te publicæ utilitati & gloriæ DEI atque Divorum Cælituum cultui natum, in publica etiam luce Tuos non dubitasti exercere labores, dum dolores patientis Domini, Divi Stanislai Casimiritani dotes, Beati Simonis de Lipnica virtutes publicis concelebrasti encomiis, omnes illa quæ dixisti, & simul quam laudabiliter dixisti, mirabantur. Per arduam scilicet viam, per tritam magnis laboribus Tuis meritorum semitam ad honores ivisti, quò au-

Indefessi labores Perilustris Domini.

Decē annorum in Schola SS. Corporis Christi Senior.

Tres publicas Orationes habuit.

G

tem

tem altiorem obtinuisti præcellentiam, eò grandi-
ores labores attentabas. Respondisti Vocationi
ad Collegium minus; jam Te aliquam reperisse
quietem existimarem, jam Teminùs magnis labo-
ribus indulgere crederem, at non ita est, nec mi-
nima potest pati otia Tuus maximus laborandi ar-
dor, arripuisti proinde novum laborem in dictan-
do Cursu Philosophico ex quo binas Disputatio-
nes publicas absolvisti. Jam verò quam arduum
sit doctos regere Viros, eruditis imperare capiti-
bus, duobus quavis habdomada Philosophicis præ-
sidere circulis, ille optimè qui probavit, novit,
aut qui bene perspexit ac intellexit. Honos hic
maximum onus est, quem tamen suscepimus præ-
claris exornâsti dotibûs, & in illius constitutus fa-
stigio probatos post examen rigidum Viros ad pri-
mam in Philosophia Lauream promovisti. Quin-
etiam promoverunt Te hæc merita & labores Tui
ad Collegium Majus, sed simul ad subeundos ultra
labores promoverunt. Iterum hic Philosophicum
expedivisti Cursum, quem pariter Disputatione
laudatissima decorâsti, atq; rursum munus Decani
gloriosissimè obivisti. Quidquid autem obscuritatis
Logicalis parturiit umbra, quam intellectus huma-
nus solo objectu & fictione gignit, claritate expli-
cationis Tuæ elucidâsti optimè, quidquid natura
ex effectibus suis in secreta occultatione abscondit,
eruisti solertissimè, quidquid transcendentium
ratio & status entium supra omnia genera rerum
& supra ipsum Creatorem evexit, attigisti sublimi-
tate ingenii facillimè, & quasi digitô Auditoribus
Tuis demonstrâsti. At verò dum hæc de in-
tellectus humani artificio ac de naturæ arcanis in-
nuo, certam felicis auspiciô accepi notitiam, quod
jam tunc SACERDOS Magnus Divinis addictus A-

Ex Collegio
minori Cur-
sum Philoso-
phicum di-
ctavit, ex
eoq; bis di-
sputavit, De
canus ele-
ctus ad pri-
mam Laure-
am promo-
vit.

Ex Collegio
Majori iden-
tidem Cur-
sum Philo-
sophicum di-
ctavit ex eo
que disputa-
vit & Deca-
ni mungus
obivit.

ris

In Ecclesia
Divæ Annæ
pro Festis
Salvatoris &
B.V.M. tri-
enniis conci-
onabatur.

Ad Faculta-
tatem Theo-
logicam vo-
catus habuit
Orationem
de doctrina
D. Pauli, ex
qua explica-
ta disputa-
vit,

Cursus The-
ologæ spe-
culativæ per
Tractatus
extradidit.

ris sancto pietatis ardore mirum in modum flagra-
veris, & quia non Tibi soli voluisti vivere, pro-
pterea in sacris Divæ Annæ Ædibus pro SALVA-
TORIS nostri & Virgineæ Matris illius MARIAE
Festis per triennium sacrum egisti Oratorem. Do-
cebas verbis, propriis movebas exemplis, delecta-
bas suavitate oris, vehementiam spiritus deterrebas
a malo, gravitate sermonis ad bonum inclinabas.
Hæc igitur Tua celeberrima Sapientia & virtutis
dona Theologicæ Te commendaverunt & adscri-
pserunt Facultati, Theologicis addixerunt labori-
bus, optimè verò in hac sacra Facultate cœpisti, quia
doctrinam Divi Pauli Apostoli *Scutum in expugnabi-*
le militantis Ecclesiæ solemni oratione probâti, vigi-
li perspicacia explanâsti, & plausibili disputatione
defendisti. Bonum etenim strenuus Christi miles
invenisti scutum, quia doctrinam Apostoli, quam
pridem Concionibus & moribus Tuis commendâ-
sti. Orbi, cùm Apostolicis omnino vestigiis ex vir-
tute in virtutem ex labore procedas in labore.
Quis enarrabit eruditos ac solidos in explicandis
speculativæ Theologicæ arcans conatus Tuos ma-
ximus conjunctos Virtutibus? tractâsti de DEO
Uno semper illius propagando honorem, tractâ-
sti de Visione DEI omnia videntis semper in ejus
oculis integerrimam honestatem servando, tractâsti
de scientia DEI omnia scientis, semper illi candi-
dam offerendo conscientiam, tractâsti de volun-
tate DEI, semper illi intimè conformando pro-
priam, tractâsti de Sanctissima Trinitate, semper
illi profundam adorationem reddendo, tractâsti de
Sanctis Angelis semper illos devoto honorando
cultu, ut verò clarius Theologica eniteret specu-
latio, septem ex dictis Tractatibus Disputationes
publicas absolvisti. Porro anni Tui ipsi labor sunt,

Cursum Mo-
ralem tribus
annis docuit
& ex eo qua-
ter disputa-
vit.

omnis hora, omnis dies, omne momentum testi-
monium præbet operosæ virtuti Tuæ, otium ve-
lut pestem fugis eruditâ & continuâ laboribûs de-
lectoris. Evidet post tot ac tanta molimina in-
fractâ animô triennalem Moralis Theologiæ susce-
pisti Cursum, quod verò Theologiam hanc *Cyno-*
suram ad portum æternæ felicitatis viatoribus prælu-
centem in publica oratione prædixeris, non erat o-
pus, ut probares rationibûs, quia ipsis probâsti &
probas operibûs, longa sanè illius propositionis
confirmatio, quam per omnes vitæ Tuæ annos &
auribus & oculis demonstras. Non enim alienis
exemplîs in explicandis laudabilium regulis mor-
rum egebas, cùm Tu ipse omnium virtutum verum
fores exemplū, unum Tibi nimis arduum erat, quod
enormitatem criminum explanare deberes, quæ etiâ
nominare abhorres. Quanta autem in penetrando fa-
cilitate, in probando soliditate, in resolvendo felici-
tate, in explicando claritate polleas, patuit quoque; in
erudito certamine quatuor ex cursu Morali absoluto
vicibus, ubi semper gloriosus victor evasisti. Quid
verò? num vincere rarum Tibi est? etiam ex tri-
no Sacralis Cursus docto conficisti laudabilem;
reportâsti victoriam efficacissima contra spirituales
morbos *Remedia per Te deducta Sacra-menta*, quæ du-
obûs cum plurimo Auditorum profectu explicâsti
annis, Spiritum tuum semper sanum, robustum,
invictum, magnanimum probaverunt. Non pa-
rum quoque; Tuæ viætriæ addiderunt laudi illæ duæ
Disputationes plausibiles, altera ex Tractatu de Le-
gibus, ut enim ex dictamine legum & rectitudine
conscientiæ singulas ad finem ultimum nempe DE-
UM actiones ordinatæ, ita semper illius suppetias
præstò habes, ac propterea facile viætrices obti-
nes

Ex Cursu Sa-
cramentali
quem bien-
niò. dictavit
tres Disputa-
tiones absolu-
vit.

Ex Tractatu
de ultimo fi-
ne unam, &
ex Tractatu
de Legibus
alteram Di-
sputationem
habuit.

Explicavit
Tractatum
de peccatis.

nes cum gloria palmas. Quid verò? de peccatis etiam explanasti Tractatum? qui nihil magis odio quām peccata habes, nam quasi à facie colubri fugis peccatum, at nihil pulcherrimo soli, (o) quamvis in lutum suos transmittat radios, obest, explicasti peccatorum malitiam, & hinc vehementius contra illa odium concepisti. Integer vita, criminum purus, verus Angelici imitator Doctoris, Angelicis penitentibus Questionem de Angelis pro Licentia ad Doctoralem in Theologia honorem extradidisti, unde meritò colligere licet, quia Tibi nihil magis placet, quām illa nescia labis, fragilitatis expers, beatorum pulchritudo Spirituum. In terris quidem vitam mortalem degis immortalibus conspicuus donis, Tua verò conversatio in Cælis, Tua quoq; sublimitas mentis Angelis Te sapientiae dono consimilem ostendit. Ecce quid non valeat diligentia? diligentia mediocre etiam ingenium commendat & magnum reddit, (p) diligentia studia vident, diligentia parvam eruditionem amplissimam facit, at verò cùm in Te tam nobile, tam præcelsum tam magnum repererit ingenium, quantū fecerit, verba exprimere non valent, sola hoc Tua exprimit sapientia. Evidem diligentiae & sedulitati Tuæ testimonium reddit illa Tui animi generositas, quæ Te ad Principum Aulas multo requisitum conatu ab ambitu Aulici honoris alienum fecit, Universitati & in ea doctis laboribus intimè addixit, persvasit Tibi, quia locus hic(q) officina est ingenuis artibus & honestissimis moribus Juventutis formandæ, vetuit per varias terræ querere præconia partes, & bene: consummatæ enim virtutes (r) etiam in beatis latibulis suis, etiam in recessu à turba crystallō purius nitent, sole ful-

H gentius

(o) Euripp. in Belleroph. (p) Jacobus Gorcius in Parænesi ad Professores Academiae Crac: sub anno 1581. die 11. Martii.
(q) Idem ibidem (r) Biezanovius in Panegyri Manus tornatiles aureæ.

Pro Licentia
ad Doctora-
tum extra-
dit Quæstio-
nem de An-
gelis.

Ad educan-
dos in Lite-
ris nobilissi-
mos Juvenes
in Aula Cel-
lissimi Princi-
pis Theodo-
ri Lubomir-
ski Palatini
Crac. requi-
sus abstrahi
ab Academia
noluit.

gentiū coruscant, & Argos ubiq; centoculos habent, cùm
nihil magis recusent quām videri. Ita profectō: me-
ritum etiam ante laudem (s) honor est, nec est opus
bonis, honestis ac eruditis Viris publicas obambu-
lare domos, ut honorem reperiant, verus honor (t)
virtus animi est, h̄c est vera rectefactorum pro-
prietas, ut eō celebriū laudentur, quō magis homi-
num evitant oculos, quia Virtutis (u) in laude præ-
mium est, & magnus honor (w) debetur magno operi
virtutis, cùm ipse sit (x) soli virtuti debita merces.
Idcirco potiū inter labores vivere virtutum Ma-
gistros, quām foris honores quārere maluisti, non
inscius quia bonorum laborum (y) gloriōsus est Fru-
etus, diligentiae atq; continuæ sedulitatis ope ad
hanc sapientiae pervenisti magnitudinem: & beatus
homo (z) qui invenit sapientiam, etenim homo sensa-
tus (a) honorabitur, sapiens in populo h̄ereditabit ho-
norem, (b) & nomen illius erit in æternum. Hoc au-
tem maximum est sapientiae Tuæ encomium, quòd
eam non in verbis solum magno Doctori consen-
taneis, sed simul in actione constituas, sic enim
agis, sic Te geris, sic doces, sic Tuam disponis vi-
tam, ut in Te Academico DOCTORE, in Te præ-
stantissimo THEOLOGO omnis doctrina & omnis
sapientia, quæ ad perfectissimam honestatem perti-
net, oculis videatur.

Licentiam
in ordine ad
obtinendum
Doctoratum
recepit Per-
illuſtris Do-
minus à Ma-
gnifico Re-
ctorē Perilli-
stri Domino
STĘPŁO-
WSKI Pro-
cancellario.

Perspexit has scientias animi Tui qualitates
maturō scrutiniō suo *Magnificus Perilluſtris & Ad-*
modum Reverendus D. M. CASIMIR US STĘPŁO-
WSKI, Sacræ Theologiae DOCTOR & PROFESSOR,
eiusdemq; Facultatis PROCANCELLARIUS, Eccl:
Collegiatæ S. FLORIANI DECANUS &c.&c. quē
utilem

(s) Neremberg. (t) S. Chryſoft. (u) S. Synesius. (w) S. Thomas Doct. Angel. (x) Marcell. Paling. (y) Sap. 3. v. 15.
(z) Prov. 2. v. 13. (a) Eccli. 21. v. 31. (b) Eccli. 31. v. 29.

utilem DEUS Rectorem (c) in illo suscitavit tempore, quô pro candore antiquo, pro bono publico Literarum, pro legum observantia, pro sancta Juvenum disciplina maximè decertandum. Quid plus de eo dicam? Vir est optimus & inter præcipua sæculi ornamenta numerandus (d) colit studia; studiosos amat, foveat, provehit, multorumq; qui aliqua componunt, portus, sinus, præmium, omnium exemplum, ipsarum deniq; literarum jam senescentium Reductor ac Reformator. Tam magni, tam incomparabilis Auctoritate PATRIS illam petendi Doctoratus Theologici obtinere meruiti Licentiam, quam olim exoticæ etiam Gentis SIBI GNEUS de Illusterrima BERKARUM Familia (e) ARCHI-EPISCOPUS Pragensis, LEGATUS NATUS, Ordinis Crucigerorum cum rubea Stella MAGISTER GENERALIS, in hac Alma Universitate quærere & impetrare non dubitavit. Addit Tibi pariter calcar sponte currenti ad hunc supremum Theologici honoris gradum Perillustris & Reverendissimus Dñus M. ADALBERTUS GRZYMAŁA, Sacrae Theologie DOCTOR & PROFESSOR, Ejusdemque Facultatis DECANUS, Collegii Majoris ac Universitatis SENIOR PATER, Eccl. Cathedralis Crac: CANONICUS &c. &c. Vir gravis, prudens, (f) multis experimentis eruditus, Nobilitate generis, doctrinæ multiplici varietate, sapientissima sacrarum literarum notitiâ, virtutum præstantiâ clarissimus, dum Te primarius Orbis Academici sustentator primum ordine, hoc in actu solenni renuntiat DOCTOREM; hinc feliciori successione, Tibiq; majoris accessione dignitatis, quod antiquiori Universitatis hujus sæculi NICOLAUS SOLECZYNSKI

H2

(g) Epi-

(c) Eccl. 10. (d) Plin. Iun. lib. 8. Epis. 10. e) Georg. Bartholdus Pontanus à Brautenberg, Sacra Metropolitana Ecclesiae Pragensis Praepositus &c. in Orationibus funebribus Moguntie typis impressis de anno 1608. (f) Plin. Iun. l. 1. Epist. 5.

Archi-Epis-
copus Pra-
gætis in Uni-
versitate
Crac. Sacrae
Theologiae
Licentiatus
factus est.

Perillustris
Dominus à
Reverendissi-
mo GRZY-
MAŁA Do-
ctoratus in-
signia capes-
vit.

Perillustris
KRZANOWSKI
in
Theologica
Facultate se-
cundus or-
dine DO-
CTOR

Perillustris
Biegacze-
wicz CON-
NEO-DO-
CTOR,

(g) Episcopus Vilnensis ab ANDREA GRZYMA-
LA suæ Facultatis DECANO Lauream Doctoralem
prensasset. Neq; Tibi gratulari non potes; quòd
Perillustrem Clarissimum. & Admodum Reverendum Do-
minus M. ANTONIUM KRZANOWSKI, Sacrae
Theologiae DOCTOREM & PROFESSOREM, Ec-
clesiae Collegiatæ S. Floriani Praepositorum, Facultatis
Furidicæ PROCANCELLARIUM &c. &c. illum ad
sacrum consortium nanciscaris PATREM & CON-
FRATREM, cuius morum gravitas, virtus probi-
tas, constantia, pietas, candor, eruditio, ac deni-
que in utraq; svada rara commendatio tam acce-
pta & nimiùm dilecta est, ut caput ejus aurum opti-
mum (h) ad Infulas natum esse diceretur. Præterea
si pares in gradu (i) pariter admittuntur, non mi-
norem gloriæ existimationem Tibi comparat Per-
illustris Clarissimus & Admodum Reverendus Dñs M.
ADALBERTUS BIEGACZEWICZ Sacrae Theo-
logiae Confocius NEO-DOCTOR, Eccl. Collegiatæ S.
ANNAE Decanus &c. &c. cum quo Theologicæ in-
corporaris Facultati. Mutuus vobis illeq; magnus
ab ineunte ætate animus fuit, ut immensas curas
contemneretis, aspera molestiarum tædia non sen-
tiretis, rigidos labores patientiâ, vigilias consve-
tudine, lucubrationes affiduitate emolliretis. Hinc
duriores operas pertinaci labore, præclaras in stu-
diis contentiones solerti prudentia, obvias Professi-
ones non solùm diligentia & perseverantia, sed
etiam integerrimâ boni nominis famâ, mirabiliq;
omnium scientiarum cognitione firmâstis, illustrâ-
stis. Sed quid mirum? non primùm hic DOCTO-
RALIS HONOR hac ardua virtutis ac eruditio-
nis

(g) Andreas de Labaszyn Decret. Doctor de instit. Acad. Crac.

(h) Sensus Serenissimarum Majestatum Regni Poloniae de Peril-
lustri Praeposito, dum impræsentiarum in Eccl. Cathedr. Crac. verba
faceret. (i) l. si reliquero. in legi. tuto.

nis viâ petitur, non prima Tibi præfigit vestigia; exemplis (k) res fit manifestior: sicuti moderna ætate, prioribûs ac superioribûs sæculis Joannes Cantius, Stanislaus Casimiritanus, (l) Anapachanius Sanctæ illæ laureolîs Cælestibus coronatæ animæ. Fastrzebiecius, Lascius, Dembinscius, Baranovius PRIMATES ac VICEREGES. Strzepinius, Oporovius, Joannes de Targowisko, primariarum Ecclesiarum EPISCOPI. Joannes à Cracovia, Jacobus Itzensis, Vasco, Falcius, Piravius SUFFRAGANEI. Michaël Florentius, Andreas de Lubieniec, Petrus de Paradiso, Małachovius, Rogovius, Makowieciius ABBATES. Tres Joannes Leopolitæ, Novicampianus, Opatovius, Vadovita, Vitellius, Papencovii, Hercius, Cynercius, Brosciis, Radzcius, Dabrovius, Kucharscius, Baltazarovicius, Makovius, Sowinscius, Wiewodzcius, Winkler, Psoiecius, Przewoscius, Praczlevicius, Oslinskius, Profeciis, Plaszczewius ac alii plusquam numerandi; quorum catalogus longior recensendus esset, Cathedralium tum Insigniorum Ecclesiarum PRÆLATICI & CANONICI de hac sacra presata Laurea centuplum Patriæ & Ecclesiæ fructum attulerunt. Hos ac plurimos alios sanctitate, omnigena eruditio ne tum pietate præditos intima recollectio ne, necnon frequenti relectione memorans etiam juratos in verba & opera tantorum MAGISTRORUM Discipulos, qui Tibi convixerunt doctoq; conjunctiores fuere DOCTORES, in rigidè ob servanda vitæ perfectioris regula attigisti. De prompsisti maturitatem judicii à MATERSCIO; auream mediocritatem à DASZCZYNIO; morum gravitatem & prudentiam à MARKIEWICIO; liberalioris beneficentiae sortem à ZIĘTKIEVICIO;

I

CIO;

(k) l. prætor §. Julianus de collatio. bon. (l) Andreas de Labaszyn, tum Simon Starovolscius.

Commemoratio Lau rex Theologicæ Can didatorum simulq; Theologiæ Doctorum.

Conversatio Per illustris NEO - DOCTORIS cum Primo ribus Theologis, dum adhuc in vi vis agerent,

CIO; auctoritatem & magnanimitatem à KUROVIO; pietatis medullam à KALEVIO; amanitatem mentis à KOLENDOVICIO; morum antiquorum normam à SZYMAKOVIO; fortitudinem & constantiam animi à PHILIPPOVICIO; subtilitatem & judicium in causis decidendis à PALASZOVIO; æquanimitatem conscientiae à GOŠKOVIO; intemeratam vitam à POPIOŁKO; candorem verò ab omnibus, quibuscum versabar, delibasti.

Equidem cum æqualibus labore contendis sine exacerbatione, modesta gravitate amorem concilias sine supercilie, perspicaci industria præludes sine fastu, multa animo completeris, multa ingenio revolvis ac penetras sine arrogantia ac aliorum contemptu; sic sanctitatem in vita, auctoritatem in moribus, pietatem in corde retines, animum à falsis opinionibus, linguam à contumeliis, oculos & aures ab improbitate detorques, omnes integerrimi & gravissimi Viri numeros absolvis. Enitet in Te pietas sine simulatione, prudentia sine calliditate, morum gravitas sine temeritate, acumen ingenii sine elatione, gloria solidæ eruditionis sine vanitate. Hæc est Tua sapientia summis sociata virtutibus; ergo *suscine* (m) bonos FRUCTUS illius, homo sensatus in sapientia manet (n) sicut sol æternis laudibus celebrandus. Habes igitur, habes honestatem in virtutibus, in eruditis laboribus honorem, at verò ut etiam immortalitatem habeas, laudes Tibi omnino debentur, quoniam honesta præconia sunt virtutis anima, (o) honestatis nervus, fortitudinis vita; & licet merita, dotes, sapientiam & virtutes Tuas nemo satis narrare aut scribere queat, hoc nihil

(m) Eccl. 6. v. 19. (n) Eccl. 27. v. 12. (o) S. Damasc.

nihil Tuæ dignitati obest, siquidem est hoc genus maximum laudis, (p) cum Orationis copiam Virtus exsuperat & magnitudo laudati. At superasti meritis ac virtutibus Tuis omnem verborum numerum; superes ergo & annis ac solatiis. Victorum gestamen Laurus quæ Te DOCTOREM THEOLOGUM insignit, sit altiorum Tibi in Regno Literario & in Ecclesia DEI dignitatum omen, FRUCTUM HONORIS & HONESTATIS immortalem habeas Tui Nominis famam, --nec, quando Mundus corruet, ipsa cadat.

CELEVSMA VNITI CORDI

seu

PLAUSUS VOTIVUS
ALUMNORUM Contubernii Starnigeliani, Programmate;
ex eoq; puris Anagrammati^s tum Epigrammati^s
DIDUCTUS,
Perillustri Domino PROVISORI suo
PERSONATUS.

Programma.

MICHAEL NEO-DOCTOR vivat.

Anagramma I.

CHORI DOCTI LEVAMEN OVAT.

Dum Tibi persolvit dignos Academia plausus,

Quis non contendat reddere vota Tibi?

Ornat sacra Tuam condigne Laurea frontem,

Hinc cor sincerum, dum Tibi plaudit, ovat.

Vive dies multos ô nostrum dulce levamen!

O PATER ô docti gloria magna choi!

Alexander Borlikowski

Min. Ord. Clericus, Auditor Dialectices;

Anagramma II.

VIAM COLUIT, HONOR DECEAT.
Laurea Te PATREM decorat, quis talia querat?
Si Tua si deceat tempora tantus honor.
Omnis enim dicit, si de Te quæstio fiat?
Justitiae, coluit justus & ipse viam.
Vive diu sospes multo decoratus honore,
Hæc sincera Tui vota clientis habes.

*Ignatius Bykowski Burgrabides
Lancic. Auditor Dialectices.*

Anagramma III.

HOC ORDINE ALTA VOCE ITUM.
Alta voce Tuos enarrat fama decores,
Hoc etenim, quo nunc ordine plaudit, itum.
Semper enim justus, semper venerabilis ibas,
Cingebatque Tuum gloria summa latus.
Fama proinde Tuis famuletur laudibus, & Quem
Ornavit virtus, ornet & altus honor.
*Stanislaus de Ostrow Rychłowski Castellanides
Siradiensis, Auditor Rhetorices.*

Anagramma IV.

VIM E LOCO DOCTRINA VEHAT.
Vim doctrina vehat, vim tanti Nominis altam,
Ut niteat toto Nomen in Orbe Tuum.
Laurea sacra Tuum dignè caput ambit & ornat,
E decoro pateat Laurea sacra loco.
Laurea Te cunctis DOCTOREM muneret annis,
Et quibus excellis, dogmata fama vehat.
*Aloysius Rychłowski Castellanides Siradiensis,
Auditor Rhetorices.*

Anagramma V.

CHIRON DICTO AEMULO AVET.
Laudibus ampla suis exornat sæcula Chiron,
Qui magni quondam Doctor Achillis erat, Sed

Sed velut excedit Sol cunctas lumine stellas,
Aemulô eum dictô sic superare vales.
Scilicet illa Tuam replet sapientia mentem,
Quam dum perpendit lauriger Orbis, avet.
*Michał Lipski Subdapiferides
Połocensis, Auditor Rhetorices.*

Anagramma VI.

LAUDEM HONORI ACCIO TUTE.

Mente Tuo prona tutè PROVISOR honori
Accio nunc laudem quæ Tua gesta decet.
Et licet hic paucis valeam Tibi plaudere verbis,
Multa tamen magnæ munera laudis habes.
Nam pridem virtus, pridem Tua facta probârunt,
Maxima quod semper laus eris ipsa Tibi.
*Josephus Rychłowski Castellanides Siradiensis
Poëseos Studiosus.*

Anagramma VII.

CANO HUICMET VIRO DE ALTO

Gaudia mille meæ præstat Tua Laurea menti,
Dum Tibi PROVISOR debita vota cano.
Ergo Tui narrabo libens de Nominis alto,
De quo perpetuo fama nitore canet.
Dum milii contigerit quid de Te dicere, dicam;
Ipse Viro magnus plaudat huicmet honos.

*Daniel Błeszynski Burgrabides Siradiensis,
Studiosus Poëseos.*

Anagramma VIII.

HOMO LAUDE RECTA VINCITO.

Quantus homo niteas, quem præmia recta decorant,
Præmia quanta nitent Tu quoq; tantus homo.
Quin meritis superas lauros, Te præmia digna
Inter honorificas non habet Orbis opes.

K

Omni-

Omnia sic superes & recta vincito laude,
Si quid! quod vincas, amplius Orbis habet.

*Iosephus Katerla Vexilliferides Bractaviensis,
Poëseos Studiosus.*

Anagramma IX.

HOC ITER AC OMEN TUI LAUDO.

Pars melior, pars ipsa *Tui* pars nescia mortis,
Quod patet ad Superum lumina, scandit iter.
Dat Tibi lumen honor, dat magnum lumen & omen,
Omine ter faustus, lumine clarus eris.
Omen habet virtutis iter doctiq; laboris,
Hoc iter ac omen laudo PATRONE Tuum.

*Michaël Katerla Vexilliferides Bractaviensis
Studiosus Poëseos.*

Anagramma X.

HIC NE LAUDE MAIOR UT OCTO?

Quis roget? hicne Pater meritis perfectus ut octo?
Cùm videat dotes sic renitere Tuas.
Laude manes omni tum famâ major ut octo
Splendida præcellis lumina laudis opes.
Exsuperes annos & vivas faustus ut octo,
Gloria Te decoret, Te colat omnis honos.
*Cantius Błeszynski Thesaurarides
Ducatum Zathoriensis & Osiecimensis,
Studiosus Grammatices.*

*Confitebor & ipsum me & CONTUBERNALES ab editione non abhorrere, si
modò Tu fortasse errori Nostro album
calculum adjeceris.*

Plinius Junior lib. I. Epist. 2.

V.XXII.16.2.



